


頓人



杭州圖書館藏

婦人治法通論

大法

婦人童幼天癸未行之間皆屬少陰天癸既行皆屬厥陰天癸既絕乃屬太陰經也治胎產之病從厥陰者是也氣生化之原也厥陰與少陽相表裏故治法無犯胃氣及上三焦為三禁不可汗不可下不可利小便若發汗者同傷寒下早之症利大便則脈數而已動於脾利小便則內亡津液胃中枯燥制藥之法能不犯此三禁則榮衛自和而寒熱止矣外則和於榮衛內則調於清便先將此法為初治次後詳而論之見症消息同壞症傷寒為之緩治或小便不利大便秘結或積熱於腸胃之間或已成痿或散血氣而為浮腫蓋產理多門故曰同傷寒壞症如發渴而用白虎氣弱而用黃芪血刺痛而用當歸腹痛而加芍藥已上例症不犯三禁謂產後之久病也若產後暴病又不可拘也如產後熱入血室者用桃仁承氣抵當湯等藥胃堅燥者大承氣不可以泄藥言之產後世人多用烏金四物湯是不分四時之寒熱不分血氣之虛實盲然一槩用藥如此而愈加增劇是誤也大抵產病天行則增損柴胡雜症則加減四物又春夏從柴胡秋冬從四物藥性寒熱病症虛實不可不察也四物湯常宜服餌今立四時增損法于後

醫學綱目卷三十四

四物加減治雜病例

四物湯加減治婦人雜病

四物湯見治虛實法

春倍川芎

一曰春二曰脈弦三四頭痛

夏倍芍藥

一曰夏二曰脈洪三曰泄瀉

秋倍地黃

一曰秋二曰脈瀼三曰血虛

冬倍當歸

一曰冬二曰脈沉三曰寒而不食

若臍下虛冷腹痛及腰脊間悶痛宜玄胡六合四物湯
 四兩玄胡苦練各一兩妙若小腹痛亦用玄胡六合

若氣滯經脈故月事頻併臍下多痛宜芍藥六合四物湯四兩芍藥一兩 若腹中刺痛惡物不下加當歸芍藥 若婦人血虛心痛腹疔痛不可忍者去地黃加乾姜名四神湯 若血崩者加生地黃蒲黃 若血藏虛冷崩中去血過多加膠艾 若赤白帶下宜香桂六合湯四物湯四兩桂枝香附各五錢 若以四物湯為末煉蜜丸如桐子大空心米飲下三四十丸治高年婦人白帶良驗 若以四物湯四兩加甘草半兩蜜丸每兩分作八丸酒醋共半盞用溫湯化下名當歸煎去敗血生好血 若婦人血積者四物湯加廣茂京三稜桂心乾漆各一兩 若婦人筋骨肢節痛及頭痛脉弦憎寒如瘧宜治風六合四物湯四兩羌活防風各一兩 若婦人或因傷酒或因產亡血或虛勞五心煩熱者宜四

物二連湯四物湯四兩生地黃生黃連胡黃連各一兩 若婦人骨蒸加地骨皮牡丹皮 若婦人傷寒汗下後飲食減少虛者宜八物湯四物湯四兩黃芪甘草茯苓白朮各一兩

凡婦人百病只四物湯加吳茱萸煎若陽藏少使茱萸陰藏多使茱萸無不效者

右加減雜病例

四物加減治胎前例

若保胎氣令人有子四物與硝砂四君子湯各半名八珍湯 若妊娠胎動不安下血不止者加艾十葉阿膠五錢

葱白黃芪 四物湯加減治妊娠傷寒名六合湯方一十

五道 方見傷寒部 四物湯加減調經方七道 見調經部

右加減治胎前病例

四物加減治產後

若產後一月內惡物積滯敗血作病或脹或痛胸膈脹悶

後例

或發寒熱四肢疼痛加延胡索沒藥香白芷與四物等分
為細末淡醋湯或童便調下 若血風於產後乘虛發作
或產後傷風頭痛發熱百節疼痛加荆芥穗天麻香附石
膏藿香各二錢半四物料共一兩中加之水煎服
若產後虛勞日久而脉浮疾宜柴胡四物湯

川芎

熟地

當歸

芍藥

加柴胡

人參

黃芩

甘草

半夏

錢各三

右咬咀水煎服

如神

去血用
芎歸

若產婦諸症各隨六經以四物與仲景藥各半服之其效
如神
芎歸湯治一切去血過多眩暈絕傷胎去血產後崩
中去血拔牙去血金瘡去血不止者舉頭欲倒悉能治之

當歸

川芎各等分

不醫學綱目卷十四

三

右每服五錢水煎服不拘時 若產後眩暈加芍藥
產後腹痛不可忍加官桂童便酒浸 姪娘子死或不
死胎動酒水合煎即下未死者即安 若虛損腹痛少
氣頭眩自汗每服加羊肉一兩生姜十片水煎 若臨
月服之則縮胎易生 若室女婦人心腹疼痛經水不
調水煎服 若姪娠胎氣不安產後諸疾酒煎服 若
難生倒橫子死腹中先用黑豈一大合炒熱與小便合
煎服 若難產用百草霜香白芷等分童便好醋各一
沸湯浸服甚者再服即分晚矣 若傷藏毒每服加槐
花末五分三日取下血塊即愈若吐血亦服此 若血
氣上喘下腫空心煎艾湯調下 若產後惡血注心迷
悶喘急腹痛依前用黑豈加生姜自然汗煎服 若產
後頭痛加荆芥 若崩中漏下失血不止加炒香附每

兩入甘草一錢沸湯點服 若有白帶者加芍藥半兩
乾姜等分米飲調下

虛勞用
大合

諸六合治婦人常病及產後常用之藥 治婦人虛勞

局方中謂首尾六合如大聖散熟地黃丸是治無熱虛勞
也中道藥牡丹煎丸空心食前人參荊芥散臨臥食後是

忌常服
聚寶丹

治有熱虛勞也 大聖散熟地黃丸人參荊芥散牡丹煎丸

婦人以血為主血屬陰易於虧欠若非善調攝者不能
保全也神仙聚寶丹治血海虛寒虛熱盜汗理宜補養琥

珀之燥麝香之散可以用乎面色痿黃肢體浮腫理宜導
濕乳香沒藥固可治血可以用乎胎前產後虛實不同逐

敗養新攻補難並積塊堅癥赤白漏崩宜於彼者必妨於
此而欲一方通治可乎世人以其品貴名雅又喜其常服

可以安神去邪令人有子殊不知久服者無不有禍自非
藏府能言醫者終不知覺及至變生他病何曾歸咎此丹

予姪女形色俱實遲於得子久服此丹癰發於背症候甚
危脉散大而瀉急以四物湯加減百餘貼而安

調經 經閉 血崩

大法

經水或紫或黑論 經水者陰血也陰必從陽故其色
紅稟火色也血為氣之配氣熱則熱氣寒則寒氣升則升

氣降則降氣凝則凝氣滯則滯氣清則清氣濁則濁往往
見有成塊者氣之凝也將行而痛者氣之滯也來後作痛

者氣血俱虛也色淡者亦虛也而有水混之也錯經妄行
者氣之亂也紫者氣之熱也黑者熱之甚也今人但見其

紫者黑者作痛者成塊者率指為風冷而行溫熱之劑則
禍不旋踵矣良由病原論月水諸病皆曰風冷乘之宜其
相習而成俗也或曰黑北方水色也孰淡於黑非冷而何

大醫學綱目卷五

四

予曰經曰亢則害承乃制熱甚者必兼水化所以熱則紫甚則黑也况婦人性執而見鄙嗜欲加倍藏府厥陽之火無日不起非熱而何若曰風冷必須外得設或有之盖千百一二者也

經色紫黑為熱

海四物加黃芩黃連湯治經水如黑豈汁

四物湯兩 黃芩 黃連各一兩

右為末醋糊丸服

月經黑口渴倦怠形短色黑脉不勻似數

黃栢炒 黃芩各三錢 甘草二錢 赤芍藥

香附末各半兩

右為末醋糊丸白湯下五六十九

永康胡八娘子二十歲二月經事不來忽行小腹痛有塊

血紫色

醫學綱目卷五

五

白芍藥 白木 陳皮各半兩 黃芩

川芎 木通各二錢 甘草些

何孺人氣滯血澁脈不澆經不調或前或後紫色日苦兩

大腿外臙麻木有時痒生瘡大便秘滯

麻子仁 桃仁 芍藥各二兩 枳殼

白木 歸頭 葳靈仙 訶子肉

生地 陳皮各五錢 大黃服七錢

各為末粥丸如桐子大白湯下五六十九

經色淡為虛

經水色淡者氣血俱虛也宜八物湯之類八物者四物

四君子也如兼它症隨症加藥

樓婦人年四十八因有白帶口渴月經多初血黑色後來

血淡倦怠食少臍上急

白木一錢 紅花壹錢 陳皮一錢 木通

黃芩各五分 縮砂 甘草各三分 枳殼五分

白芍藥錢一

右煎湯下保和丸三十九抑青丸二十九

經多為虛熱

海 四物湯加黃芩白朮湯治經水過多

四物湯兩四 黃芩 白朮各一兩

丹 經水過多

黃芩炒 芍藥炒 龜板炙各一兩 黃栢三錢

香附二錢半 椿樹根皮七錢半

右為末酒糊丸空心白湯下五六十九

一婦人脉弦而大不數形肥初夏時倦怠月經來時多此稟受弱氣不足攝血故行多

白朮一錢半 黃芪生 陳皮各一錢 人參五分

甘草二錢

大醫學綱目卷五

六

經少為虛寒

海 四物湯加葵花湯治經水澁少

四物湯兩四 葵花兩一 一方又加紅花血見愁

四物湯加熟地黃當歸湯治經水少而色和

四物湯兩四 熟地 當歸各一兩

脈師曰有一婦人來診言經水少不如前者何也師曰曾更下利若汗出小便利者可何以故師曰亡其津液故令經水反少設經下多於前者當所苦困當言恐大便難身無復汗也

將行時痛為滯

海 四物四兩加玄胡索苦練楨榔木香各一兩治經事將行臍腹絞痛臨經痛者血澁故也

抑氣丸臨經之時腹痛以四物湯加玄胡索陳皮牡丹皮甘草痛甚以豆淋酒痛少以童便煮香附入條芩為丸經水將來而痛者四物湯加桃仁香附黃蓮

周壁婦人四十餘月經不調行時腹疼行後又有三四日
淋瀝皆穢水口渴面黃倦怠無力

白木兩一 婦身尾六錢 陳皮七錢 黃連三錢

木通 黃芪生 黃芩各二錢 甘草炙 一錢

分八貼下五靈脂九四十粒食前服

仁十三孺人月經不勻血紫色來作痛倦怠惡寒為人性
急

青皮五錢 川芎 黃芩 牡丹皮

茯苓三錢 乾姜一錢 甘草炙 五分

分二貼水煎服

一婦人二十歲月經不勻來時先呵欠腹隱疼血紫色食
少無力

白木四錢 黃連 陳皮各二錢 牡丹皮二錢

人參 七

木通 黃芩 人參 茱萸一錢半

甘草炙 五分

分四貼水二盞煎取小盞食前服

桂枝桃仁湯治經候前腹痛不可忍

桂枝 芍藥 生地各二兩 桃仁四十箇

甘草兩一

右為齋末每服五錢水二盞姜三片棗一枚同煎去查

温服

柴胡丁香湯治婦人年三十歲臨經預先臍腰痛甚則

腹中亦痛經縮二三日

柴胡半錢 羌活一錢 丁香四分 全蝎一箇

當歸身一錢 生地一分

右都作一服水四盞煎至一盞去查稍熱食前服

經後痛
為虛

一婦人三十歲每因浴後必用冷水淋通身又嘗大驚遂
患經來時必先少腹大痛口吐涎水然後經行行後又吐
水二日其痛直至六七日經水止時方住百藥不效予診
其脉寸滑大而弦關尺皆弦大而急尺小於關關小於寸
所謂前大後小也遂用香附三兩半夏二兩茯苓黃芩各
一兩半枳實玄胡牡丹皮人參當歸白朮桃仁各一兩黃
連七錢川練遠志甘草各半兩桂三錢茱萸一錢半分十
五貼水煎入生姜汁兩蜆殼熱服後用熱湯洗浴得微汗
乃已忌當風坐臥手足見水并喫生冷服三十貼全愈半
年後又因驚憂前病復舉腰腹時痛小便淋痛心惕惕跳
驚悸予意其表已解病獨在裏先與灸少衝勞宮崑崙三
陰交止悸定痛次用桃仁承氣大下之下後用香附三兩
蓬朮當歸身各一兩半三稜玄胡索桂大黃青皮俱醋制

入醫學綱目卷五

八

青木香茴香滑石木通桃仁各一兩烏藥甘草縮砂樛櫚
苦練肉各半兩木香吳茱萸各二錢分作二十貼入新取
牛膝濕者二錢生薑五片用荷葉湯煎服服訖漸安

經過後而作痛者乃虛中有熱所以作痛

新荷姐頭痛口乾經行後身痛腰甚痛

生地

白朮

芍藥各一

芩藭

歸身尾

各五分
黃柏炒

甘草各

水少酒煎服

經成塊
為滯

本治婦人月經壅滯每發心腹臍疝痛不可忍及治產後
惡露不快血上搶心迷悶不省氣絕欲死者琥珀散

京三稜

蓬莪朮

赤芍藥

劉寄奴

牡丹皮

熟地

官桂

菊花

真蒲黃

當歸各一

右前五味用烏豈一升生姜半斤切片米醋四升同煮

荳爛為度焙乾入後五味同為末每服二錢溫酒調下
空心食前服一方不用菊花蒲黃用烏藥玄胡索亦佳
予家之秘方也若是尋常血氣痛只一服產後血衝心
二服便下常服尤佳予前後救人急切不少此藥亦宜
多合以救人

大交加散治榮衛不和月經湛濁逐散惡血腹痛經血諸
疾並皆治之

生薑

生地

白芍藥

當歸

桂心

紅花

沒藥

蒲黃

玄胡索

醋紙包煨熟用布擦去皮各一兩

右將地黃汁炒生薑滓姜汁炒地黃滓各焙乾用諸藥
為細末每服三錢溫酒調下 若月經不依常蘇木煎
酒調下 若腰痛糖酒調下

醫學綱目卷五

九

丹 瘀血

香附

桃仁

牡丹皮

大黃

當歸

川芎

紅花

瓦龍子

晝夜
二兩

右炊餅為丸空心溫酒下三四丸

交 加地黃丸治婦人經不調血塊氣痞肚腹疼痛

生地

老姜

玄胡索

當歸

川芎

芍藥

明沒藥

木香

桃仁

人參

香附

醋

右為末先以生薑汁浸地黃查以地黃汁浸生薑查晒
乾皆以汁盡為度共十一味作一處晒乾研為末醋糊
為丸空心以姜湯下

大 交加散治婦人榮衛不通經脈不調腹中撮痛氣多血

少結聚為癥產後中風

生地

生姜研各五兩各

右交互取汁浸一夕各炒黃漬汁盡為度末之尋常腹痛酒調下三錢產後尤不可闕

經不及期者為血熱

益母草一名天麻未結子時採一擔以水五斗煮半乾去查再熬成膏每用半小盞和酒并姜汁放開服之大治汚血及血經不調 經不及期者血熱四物湯加黃連 肥人不及日數而多痰者血虛有熱南星白木蒼木黃連 香附川芎作丸

婦人患經血紫黑一月兩次行不思食口乾苦時發熱

麥門冬

當歸身

白芍藥

陳皮

白朮各一

人參

地黃

茯苓各半兩

木通三錢

生甘草一錢

不醫學綱目卷五

十

右分十二貼食前熱飲下抑青與點各十五

扶寒

帶下經水不利小腹滿痛經一月再見者土瓜根散主之亦主陰癰腫疝

土瓜根

芍藥

桂枝

廔虫各三分

右四味杵為散酒服方寸七日三服

經過期者血少

經水過期血少川芎當歸人參白朮與痰藥 過期淡紫色者痰多也二陳湯加芎歸 過期紫色有塊血熱也必作痛四物湯加香附黃連

三月一經來為居

脈師曰脉微血氣俱虛年少者下血也乳子下利為可否者此為居經三月一來師曰寸口脉微而澁微則衛氣不足澁則血氣無餘衛不足其息短其形燥血不足其形逆

榮衛俱虛言語謬誤跌陽脉浮而澁澁則衛氣虛虛則短氣咽燥而口苦胃氣澁則失液少陰脉微而遲微則無精

遲則陰中寒濇則血不來此為居經三月一來 問曰婦

人妊娠三月師脉之言此婦人非軀今月經當下其脉何

類何以別之師曰寸口脉衛浮而大榮反而弱浮大則氣

強反弱則少血孤陽獨呼陰不能吸二氣不停衛降榮竭

陰為積寒陽為聚熱陽盛不潤經絡不足陰虛陽往一作實

故令少血時發洒淅咽燥汗出或溲稠數多唾涎沫此令

重虛津液漏泄故知非軀畜煩滿血月稟一經三月一來

陰盛則瀉名曰居經謂右脈浮大左脈及弱也

四物湯 四 黃芩 如腹痛加黃連一兩夏月不去黃芩

有寒熱宜和

經水適來適斷或有往來寒熱者先服小柴胡湯以去其

寒熱後以四物湯和之 婦人血脉不調往來寒熱狀如勞倦

當歸 川芎 甘草 黃芪

官桂 去粗皮各一兩熟地 白朮 白芍藥 各二兩

柴胡 阿膠 各半兩

右為細末每服五錢棗子一枚水煎空心温服白湯點

服亦得常服不生帶下調血脉養子宮終身無病

虛實不調

回 升陽舉經湯治經水不調右尺脉按之空虚是氣血俱

脫大寒症輕手其脉數疾舉指弦緊或澁皆陽脫之症陰

火亦亡見熱症於口鼻眼或瀉此皆陰躁陽欲去也當温

之降之引之燥之此法大升浮血氣補命門之下脫也諸

藥言根近苗處去苗便是 柴胡根 當歸根 白朮 黃芪 各三錢

葉本 去 羌活根 防風根 各二錢 紅花 白芍藥 各五錢 獨活根 半錢 桃仁 去皮尖 細辛 分

醫學綱目卷五

二

川芎

熟地水中心

人參

黑附子炮去皮

甘草稍多各錢

肉桂去皮夏不用秋冬用五分

陰陽相乘

右為餘末每服二錢水三盞煎至八分空心稍熱服

因治婦人病多是月經乍多乍少或前或後時發疼痛醫者一類呼為經病不曾說是陰勝陽是陽勝陰所以服藥少效蓋陰氣乘陽則胞寒氣冷血不運行經所謂天寒地凍水凝成冰故令乍少而在月後若陽氣乘陰則血流散溢經所謂天暑地熱經水沸溢故令乍多而在月前當別其陰陽調其血氣使不相乘以平為期宜紫石英丸

紫石英

飛研水

禹餘糧燒醋

人參

龍骨

川烏頭炮

桂心

桑寄生

杜仲炒

五味子

遠志

澤瀉

當歸

石斛

肉苁蓉酒浸

乾姜各二兩

川椒

醫學綱目卷三

主

牡蠣煨

甘草各半兩

右為末煉蜜丸如桐子大每服三十九至五十九空心食前服

經過期不止為熱有餘

因芩心丸治婦人四十九歲已後天癸當住每月却行或過多不止用黃芩心枝條者二兩米泔浸七日炙乾又浸又炙如此七次為末醋丸如桐子大每服七十九空心溫酒送下日進二服

因治婦人天癸已過期經脈不勻或三四月不行或一月

再至腰腹疼痛素問云七損八益謂女子七數盡而經不依時者血有餘也不可止之但令得依時不腰痛為善宜此當歸散

當歸

川芎

白芍藥炒

黃芩炒各一兩

白木兩半

右為細末每服二錢酒調下空心食前日三次服即去
黃芩加桂枝一兩

問曰婦人年五十數一朝而清血二三日不止何以治
之師曰此婦人前絕生經水不下今反清血此為居經不
須治當自止經水下常五日止者五日愈

針灸

月經不調 陰獨三分此穴大效須待經定
為度在足四指間三吐

又法內踝下白肉際青脉上灸隨年吐

又法中極 三陰交 腎俞 氣海

經閉久忽天崩復又斷絕復又大行不調者 豐隆六

血止 石門五分
斷經

婦人五旬經斷後再行或多或少或癥或紅並下腹中氣

滿如胎孕 天樞 中皖 氣海各五分
立愈

婦人漏下苦血閉不通逆氣脹血海主之 女子胞中

八醫學綱目卷五

三

痛月水不以時休止天樞主之千金作腹脹腸
鳴氣上衝胸 小腹脹

滿痛引陰中月水至則腰脊痛胞中瘕子門有寒引髓髀

水道主之千金引髓髀作
大小便不通

經閉

無腹痛
痞膈症
為血枯

血枯經閉者四物湯加桃仁紅花 陰虛經脉久不通

小便短澀身疼者四物加蒼朮牛膝陳皮生甘草作湯又

用蒼莎九加蒼耳酒芍藥為丸就煎前藥吞下

中焦閉

經閉不行有三補前人之闕 婦人脾胃久虛形體羸

弱氣血俱衰而致經水斷絕不行或病中消胃熱善食漸

瘦津液不生夫經者血脉津液所化津液既絕為熱所燥

肌肉漸瘦時見渴躁血海枯竭病名曰血枯經絕宜瀉胃

之燥熱補益氣血經自行矣此症或經適行而有子亦

下焦閉

不安為胎病者有矣

此中焦胃熱結也

或心包脉洪數躁作時見大便秘澁小便雖清不利而經

水閉絕不行此乃血海乾枯宜調血脉除包絡中火邪而

經自行矣

此下焦胞脉熱結也

或因勞心心火上行月事不來者胞脉閉也包脉者屬於

心而絡於胞中今氣上迫肺心氣不得下通故月事不來

宜安心補血瀉火經自行矣

此上焦心脉熱結也

裴澤之夫人病寒熱月事不至者數年又加喘嗽醫者率

以蛤蚧桂附投之曰不然夫人病陰為陽所搏溫劑太過

故無益反害投以涼劑涼血和血藥則行矣已而果然

女子月事不來者先瀉心火血自下也內經曰二陽之

病發心脾有不得隱曲故女子不月其傳為風消王註曰

大腸胃熱也心脾受之心主血心病則血不流脾主味脾

病則主味不化味不化則精不足故其病則不能隱曲脾

土

土已虧則風和勝而氣愈消也又經曰月事不來者胞脉

閉也胞脉屬於心絡于胞中今氣上迫肺心氣不得下通

故月事不來先服降心火之劑後服局方中五補丸後以

衛生湯治脾養血也

五補丸補諸虛安五藏堅骨髓養精神

熟地

人參

牛膝

酒浸去芦焙乾

白茯苓

地骨皮

各等分

右為細末煉蜜丸如桐子大每服三五丸溫酒下空

心服

衛生湯

當歸

白芍藥

各二兩黃芪三兩

甘草

一兩

右為末每服半兩水二盞前至一盞溫服空心如虛者

大法先降心火後補氣血

上焦閉

加人參一兩

右東垣潔古治血枯之法皆主於補血瀉火也補血者四物之類瀉火者東垣分上中下故火在中則善食消渴治以調胃承氣之類火在下則大小秘澁治以玉燭之類玉燭者四物與調胃承氣等分也火在上則得於勞心治以芩連及三和之類三和者四物涼膈當歸等分也潔古先服降心火之劑者蓋亦芩連三和玉燭之類後服五補衛生者亦補氣之劑也

帝曰有病胸脇支滿者妨於食病至則先聞腥臊臭出清液先唾血四肢清目眩時時前後血病名為何何以得之岐伯曰病名血枯此得之少年時有所大脫血若醉入房中氣竭肝傷故月事衰少不來也帝曰治之柰何岐伯曰以四烏鬪骨一蘆茹二味并合之丸以雀卵大如小菟

醫學綱目卷五

五

以五丸為後飯飲以鮑魚汁利腸中及傷肝也腹中論云烏鬪魚骨主血閉芩茹王散惡血雀卵主血痿鮑魚主瘀血河間宣明論方烏鬪骨芩茹各等分雀卵不拘數和丸小甚大每服五丸至十九丸煎鮑魚湯下食後日三服鑿以美饈

右岐伯河間治血枯之法

下利經斷者利止自來

問曰婦人病下利而經水反斷者何也師曰但當止利經自當下勿恠所以利不止而血斷者但下利亡津液故

經斷利止津液復經當自下 問口婦人病經水斷一二月而反經來今脉及微澁何也師曰此前月中若當下利故令妨經利止月經當自下此非軀也 婦人血下咽乾而不渴其經必斷此榮不足本自有微寒故不引飲渴而引飲者津液得通榮衛自和其經必復下

有腹痛嘔為痞血老

婦人之病因虛積冷結氣為症經水斷絕至有歷年血寒積結胞門寒傷經絡凝堅在上嘔吐涎沫久成肺癰形

汚血

體損分在中盤結繞臍寒疝或兩脇疼痛與臟相連或結熱中病在關元脉數無瘡肌若魚鱗時着男子非止女身在下未多經候不勻令陰掣痛少腹惡寒或引腰脊下根氣衝氣衝急痛膝脛疼煩奄忽眩冒狀如厥癰或有憂慘悲傷多噎此皆帶下非有鬼神久則羸瘦脉虛多寒三十六病千變萬端審脉陰陽虛實繫弦行其針藥治危得安其雖同病脉各異源子當辨記勿謂不然

附末枳殼末各半錢早調服

萬病丸治經事不來繞臍痛

乾漆許碎炒烟盡牛膝去苗酒浸一宿焙乾一兩

右為末以生地黃汁一升入二味藥末銀器內慢火熬可丸即丸如桐子大每服二九空心米飲或温酒下

一醫學綱目卷三十四

二十六

療月水不利臍下愆逆氣脹滿欲嘔不得睡慙件列切急也

當歸四錢乾漆三錢炒烟盡

右為末煉蜜丸如桐子大空心温酒下十五丸

治月經壅滯臍腹痛 當歸 玄胡索

右為罌末每服三錢姜三片水一鍾半煎至七分去查

稍熱服

小腸移熱於大腸為伏瘕為沉全文見診病傳變○王註云血澁不利則月事沉滯

而不

汚血有熱

治婦人月水滯澁不快結成瘕塊筋脹大欲死用馬鞭草根苗五斤挫細水五斗煎至一斗去查別以淨器盛熬

成膏食前温酒調下半匙本草云馬鞭草辛寒破血瘀

血極膏治婦乾血氣以川大黃為末用醋熬成膏子

九如鷄頭大每服一九熱酒化開臨臥温服大便利一二

行後紅脉自下是婦人之仙藥也加當歸頭

婦人經水不利抵當湯主之亦治男子膀胱滿急有瘀血者方見傷寒

右經一節方三首皆治汚血有熱而經閉前一方輕劑後二方重劑也

汚血有寒

紅花當歸散治婦人經候不行或積瘀血腰腹疼痛及室女月經不通

紅花

當歸尾

紫葳

牛膝

甘草

蘇木細剉各二兩

白芷一兩半

赤芍藥八兩

劉寄奴五兩

桂心半兩

右為細末空心熱酒調三錢服之食前臨臥再服若久

血不行濃煎紅花酒下孕婦休服

牛膝散治婦人月水不利臍腹疔痛

牛膝一兩

桂心

赤芍藥

桃仁

醫學綱目卷五

七

玄胡索

當歸

牡丹皮

川芎

木香各七錢半

右每服方寸匕為極細末溫酒調下食前

溫經湯若經道不通透臍寒痛脉沉緊宜此及桂枝桃仁

湯萬病丸

當歸

川芎

芍藥

桂心

牡丹皮

蓬莪術各半兩

人參

甘草

牛膝各一兩

右咬咀每服五錢水一盞半去查溫服

桂枝桃仁湯方見調經

牡丹皮散治婦人月水不利臍腹疼痛

牡丹皮

大黃炒各一兩

赤芍藥

生地黃

桃仁

當歸

桂心

赤茯苓

白木

各七錢半

石葦

去毛

木香

各半兩

空心温服

本治婦人室女月候不通疼痛或成血瘕通經丸

桂心

青皮

大黃

乾姜

川椒

川烏

蓬莪木

乾漆

當歸

桃仁

右為末先將四錢用米醋熬成膏和餘六錢末成劑相

中杵丸如桐子大晒乾每服二十九用淡醋湯下加至

三十九温酒亦得空心食前服

右方六首皆治汚血有寒而經閉前四方輕劑後二方

重劑也

大治月水不通屢試有驗厚朴不以多少姜汁炙香細切

入醫學綱目卷三

六

濃煎去渣空心服不過三四劑瘥

形實氣盛者宜之

積痰傷經不行夜則妄語

瓜蒌子

黃連

吳茱萸

桃仁

紅麴

縮砂

山查

右生姜研炊餅為丸

軀脂滿經閉導痰湯加芫連不可服地黃如用姜汁炒

湯即二陳加枳實黃連是也

楊村婦人年二十餘兩年經閉食少乏力

黃連

白木

陳皮

滑石

黃芩

木通

桃仁

甘草

右丹溪治痰結胸腹而經閉之法皆用輕劑導痰降火

也

經云氣上迫肺則心氣不得下通故月事不來今用連村

逐嘔寒
熱者結
痰在上

之類導痰降火使不上迫於肺故心氣下通而月事來也
丹溪治一婦人久瘕食少經閉兩手無脉每日與三花神
祐九十餘粒津咽之月餘食進脉出又半月脉愈又一月
經行亦此意也詳見久瘕予嘗體丹溪之意治陳氏婦二
十餘歲形肥痞塞不食每日臥至未牌吃一盞薄粥吃粥
後必吐水半碗仍復臥經不通三月矣前番曾暗通黑色
脉之辰時寸關滑皆有力午後關滑寸不滑詢之因乘怒
飲食而然遂以白朮一兩半厚朴黃連枳實各一兩半夏
茯苓陳皮山查人參滑石各八錢縮砂香附桃仁各半兩
紅花二錢分作十貼每日服一貼各入姜汁二蜆殼間三
日以神祐丸神秘沉香丸微下之至十二日吐止食漸進
四十日平復如故又汪氏婦五十餘形瘦亦痞不食吐水
經不通以前藥方加參朮歸為君煎熟入竹瀝半盞姜汁
服之但不用神祐丸下亦平復若咳嗽寒熱而經閉者當
於欬門溫痰條求之

和凡婦人月事不來用茶調散吐之次用玉燭散芎歸
湯三和湯桂苓白朮散之類降心火益腎水開胃進食分
陰陽利水道之藥也 一婦人月事不行寒熱往來口乾
頰赤飲食少且暮間咳一二聲諸醫皆用虫出水蛭乾漆
礪砂芫青紅娘子沒藥血竭之類惟戴人不然曰古方雖
有此法柰病人服之必臍腹發痛飲食不進乃命止藥飲
食稍進內經曰二陽之病發心脾心受之則血不流故女
子不月既心受積熱宜抑火升水流濕潤燥開胃誘食乃
涌出痰一二升下泄水五六行濕水上下皆去血氣自然
滯流月事不為水濕所隔自依期而至矣亦不用虫水
蛭之類有毒之藥如用之則月經總來小洩反閉他症生

矣凡精血不足宜補之以食大忌有毒之藥偏勝而致天
闕多矣 一婦人年三十四歲經水不行寒熱往來面色
痿黃唇焦頰赤時咳三二聲問其所服之藥黑神散烏金
丸四物湯燒肝散驚甲散建中湯寧肺散針艾千百轉劇
家人意倦不欲求治戴人憫之先涌痰五六升午前涌畢
午後食進餘症悉除後三日復輕涌之又去痰一二升食
益進不數日又下通經散瀉訖一二升後數日去死皮數
重小者如麩片大者如蒿膜不一月經水自行神氣大康
矣

雜方

月事不來者胞脈閉也胞脈者屬心而絡於胞中今氣上
迫肺心氣不得下通故月事不來也全文見水腫胃病
見診病息奔條
室女月水不來用雄鼠屎一兩燒存性為細末空心溫
酒調下一錢神效

醫學綱目卷五

辛

海 掌中金丸治婦人乾血氣

川山甲 炮

甘草

苦丁香

川椒

苦葶藶

白附子

猪牙皂角

草烏頭各三錢

巴莖一錢全
用研

右為細末生蔥絞汁和丸彈子大每用一丸新綿包之
內陰中一日即白二日即赤三日即血神效

仲 婦人經水閉不利臟堅癥不止中有乾血下白物礬石
丸主之

礬石三錢
燒

杏仁分

右二味末之煉蜜丸棗核大內臟中劇者再內之

針灸

經脈不通已有寒熱此穴大效三陰交三分立有效如
瘵時乃經脈要

也通

經脈不通心術

曲池

支溝

三里

三陰交

此四
穴推

塞不通則瀉之如
虛耗不行則補之

集月經斷絕 中極 三陰交 腎俞 合谷

東 又法 四滿在丹田傍一寸半

經脈不通變成癥症飲食如常腹漸大如蠱 氣海用針

通管去其瀉水惡物 陰交取法亦如上

甲 月水不通奔泄氣上下引腰脊痛氣穴主之 女子不

下月水照海主之 婦人少腹堅痛月水不通帶脈主之

月水不利見血而有身則反敗及乳腫臨泣主之

脈師曰有一婦人將一女子年十五所來診言女子年十

四時經水自下今經反斷其母言恐怖師曰若是夫人親

女必夫人年十四時亦以經水下所以斷此為避年勿恠

後當自下

腎脈微瀆為不月全文見虛實門

八醫學綱目卷三十一

主

二陽之病發心脾有不得隱曲女子不月其傳為息奔者

死不治全文見診病傳變

血崩

血崩蕪心痛者見心痛門

大法

紫色成塊者血熱四物加黃連柴胡之類 氣虛血虛

者皆於四物內加參芪 急則治其標白芷湯調百草霜

甚者棕櫚灰後用四物加炒乾姜調理因勞者用人參帶

升補藥因熱者用黃芩因寒者用炒乾姜

丹溪云涎鬱胸中清氣不升故經脈壅遏而降下非開涎

不足以行氣非氣升則血不能歸隧道此論血泄之義甚

明蓋開胸膈濁涎則清氣升清氣升則血歸隧道不崩矣

故其症或腹滿如孕以臍腹疔痛或血結成片或血出則

快止則悶或臍上動其治法宜開結痰行滯氣消汚血

痰氣汚血宜行之

診

江氏婦三十五六歲墮胎後血不止食少中滿倦怠不起
躁煩六脉沉大而數重取微弦予作怒氣傷肝感動胃氣
遂於二陳湯加川芎白朮縮砂二十貼而安

中旋覆花湯治半產漏下脉弦而大

旋覆花 三兩本草云
王雷飲結氣

蔥 十四
莖

新絳 少
詩

右三味以水三升煮取一升頓服之

下治婦人崩中下血不止以衣中白魚鱸蚕等分為末以
井花水服之 **日三服** 差

右三方開痰

羅備金散治婦人血崩不止

香附子 四兩
炒

當歸尾 二兩
五靈脂
炒

右為細末每服五錢醋調空心服立效

本治下血不止或成五色崩漏方用香附子春去皮毛中

斷之畧炒為末每服二錢用清米飲調下此方徐朝奉傳
其內人有是疾徧服藥不效後服此方遂愈須久服為佳
亦治產後腹痛大是婦人仙藥常服益血調氣

大醋附丸治崩漏帶下積聚癥瘕臍腹疝痛用香附子不
以多少擦去毛用好醋煮出焙碾末醋煮糊為丸如桐子
大每服三十九米飲送下無時婦人數墮胎者此藥尤妙
一方用香附子白芷為丸

縮砂散治血崩用縮砂仁不以多少於新瓦上炒香為細
末米飲調下三錢

右四方行滯氣

世治血崩用乾荷葉濃煎湯一碗空心服之立愈或調醋
炒香附末尤妙

雲治血崩不止五靈脂二錢炒熱加當歸酒同煎或水酒

童便各半盞同煎服一方五靈脂半生半熟為末酒調服

一方水煎五靈脂半乾去查澄清再煎成膏入神麴末為

丸如桐子大空心溫酒下二三十九便止

又方 麻茸炙醋 當歸各二錢 蒲黃半兩 炒

右三味為末溫酒調下五錢七日三服

仲桂枝茯苓丸治婦人有癥在臍上動下血不止方見胎動下血

脾胃虛者補之

垣當歸芍藥湯治婦人經脈漏下不止其色鮮紅時值七

月處暑之間先因勞役脾胃虛弱氣短逆自汗不止身熱

悶亂惡見飲食亦不思食沉困懶倦四肢無力大便時瀉

後復因心氣不足其經脈再下不止惟覺氣下脫其元氣

逆上全無惟覺心腹中氣不行氣短則不能言是無力以

言非懶語也此藥主之

《醫學綱目卷三》

三

黃芪一錢 白朮去濕 蒼朮去皮 當歸身

白芍藥各五錢 甘草炙 生地各三錢 柴胡二錢

熟地黃 陳皮去白各五分

右十味為齋末作二味水煎去查熱服空心一服之後

漸減次日諸症悉去頓喜飲食所以者何蓋氣通而聞

飲食之香得平康故也

仲婦人陷經漏下黑不解膠姜湯主之即芎歸膠艾湯

芎藭 阿膠 甘草各二兩 艾葉

當歸各三兩 芍藥四兩 熟地黃

右七味以水五升清酒三升合煮取三升去查內膠令

消盡溫服一升日三服不瘥更作云加乾姜一兩胡洽治婦胞動無乾姜

海四物膠艾湯方見婦人門大法餘

垣益胃升陽湯治血脫益氣古人之法也先補胃氣以助

生長故曰陽生陰長諸甘藥為之先務舉世皆以為補氣殊不知其能生血此陽生陰長之理也故先理胃氣入之一身內穀為寶

黃芪二錢

人參有嗽者去之神麴炒各一錢半升麻

柴胡各五錢

白木三錢當歸身酒浸甘草炙

陳皮各一錢

生黃芩三錢或五錢金肺逆秋涼不用一方用生地

右龕末每服三錢或五錢如食添再加之如食減已定

三錢內更減之不可多服每服二錢水煎去查熱服如

腹痛每服加白芍藥二分中桂少許如渴口乾加乾葛

二分如嗽去人參服不計時候蓋先服此蓋胃氣升陽湯不止却服後方柴胡

調經湯大舉大升之也

氣陷者升舉之

宣德候經歷家人病崩漏醫莫能效切脈之後且以紙疏其症至四十餘種為制調經升陽除濕湯療之明日而十

醫學綱目卷三十

三言

減其入前後五六日良愈

調經升陽除濕湯治女子漏下惡血月事不調或暴崩不止多下水漿之物皆由飲食不節或勞傷形體或素有冷氣不足因飲酒勞倦致令心火乘脾其人必怠惰嗜臥四肢不收困倦乏力無氣以動氣短上氣逆急上衝其脈緩而弦急按之洪大皆中指下得之脾土受邪也脾主滋榮周身者也心主血血主脉二者受邪病皆在脉脉者血之府也人者脉之神也心不主令胞絡代之故曰心之脉主屬心系心系者胞絡命門之脉也主月事生孕皆由脾胃虛而心包乘之故漏下血水不調也况脾胃為陰陽之根蒂當除濕去熱益風氣上伸以勝其濕又云火鬱則發之

柴胡

防風

甘草炙

蒙本

升麻各一錢

羌活

蒼朮

黃芪各一錢半

獨活分五

當歸酒浸五分

蔓荊子分七

右咬咀水五大盞煎至一大盞去渣稍執服空心服藥畢待少時以早膳壓之可一服而已如灸足太陰脾經中血海穴二七壯或三七壯立已 此藥乃從權衡之法用風勝濕為胃氣下陷而氣迫於下以救其血之暴崩也若病愈經血惡物已盡至病雖除後必須以黃芪甘草人參當歸之類數服以補之於補氣升陽湯中加和血藥是也若經血氣惡物下之不絕尤宜救其根源治其本經只益脾胃退心火之亢乃治其根蒂也若遇夏月白帶下脫漏不止宜用此湯一服立止

柴胡調經湯治經水不止鮮血項筋急惱痛脊骨強痛不思飲食

羌活

獨活

藁本

升麻各五分

八醫學綱目卷五

五

蒼朮錢一

柴胡根分

芎藭

當歸身

甘草錢一分

紅花分

右咬咀作一服水煎去渣稍熱空心服微汗立止

一婦人經候黑血凝結成塊左廂有血痕水瀉不止穀食有時一化有時不化至今歲四月血塊暴下併水注俱作是前後二陰有形之血脫竭於下既久經候尤不調水瀉日見三兩行食罷心煩不快飲食減少甚至瘦弱東垣先生曰夫聖人治病必本四時升降浮沉之理權變之宜若不本四時以順為逆非其治也且治之大法必先歲氣無伐天和無盛感無虛虛遺人天殃無致邪無失正絕人長命故聖人云陽盛陰虛下之則愈汗之則死陰盛陽虛汗之則愈下之則死大抵聖人立法各有義且如升陽或發散之劑是助春夏之陽氣令其上升乃瀉秋冬收藏頑

殺寒涼之氣此病是也當用此法治之乃升降浮沉之至理也夫天地之氣以升降浮沉乃從四時如治病逆之則殺人矣故經云順天者昌逆天者亡可不畏哉夫人之身亦有天地四時之氣不可止認在外人體亦同天地也今經漏不止是前陰之氣血已下脫矣水瀉又數年不愈是後陰之氣血又下陷矣後陰者至有形之物也前陰者精氣之門戶俱下竭是病人周身之氣常行秋冬之令陰主殺此等收藏之病是也陽生陰長春夏是也在人身之中令氣升浮者穀氣上行是也既病則周身血氣皆不生長穀氣又不升其飢肉消少是兩儀之氣俱將絕矣既下元二陰俱脫血氣消竭假令當日元是熱症今下焦久脫已化爲寒矣此病久沉久降寒濕太勝當急救之瀉寒以熱降濕以燥大升大舉以助長生補養氣血不致偏枯聖人

立治之法云濕氣大勝以所勝治之助甲風木上升是也故經云風勝濕是以所勝平之也當調和胃氣次用白朮之類以燥其濕而滋元氣如其不止後用風藥以風勝濕此之謂也此藥便是大舉大升以助春夏二濕之久陷下之至治也又一本云此病次用四物隨濕症加減

大獨聖散治婦人血崩不止用防風去蘆不以多少爲細末酒煮白麵清調下二錢空心食前日二服更以麩作糊酒投之極驗 治血崩夏枯草爲細末每服二錢米飲調下無時服

治崩中不止芎藭八兩清酒五升煎至二升半分三服不耐者徐徐進之 義云芎不可久服令人暴死

右大舉大升之劑治崩脈沉弦而洪或沉細而數者皆胃氣下陷也或崩而又久瀉者亦胃氣下陷也故舉之

升之其病愈也

脾胃虛
其補宜
升

經水漏不住有二補前人之闕 婦人脾胃虛損致命
門脉沉細而數疾或沉弦而洪大有力寸關脉亦然皆由
脾胃有虧下陷於腎與相火相合濕熱下迫經漏不止其
色紫黑如夏月腐肉之臭中有白帶者脉必弦細寒作於
中有赤帶者其脉洪數病熱明矣必腰痛或臍下痛臨經
欲行而先發寒熱往來兩脇急縮兼脾胃症出見或四肢
困熱心煩悶不得眠卧心下急宜大補脾胃而升降氣血
可一服而愈或先貴而後賤或先富而後貧病名脫營者
心氣不足其火大熾旺於血脉之中又致脾胃飲食失節
火乘其中形質肌肉頹侶不病者此心病也不形於脉故
脾胃飲食不調其症顯矣而經水不時而下或適來適斷
暴下不止治當先說惡死之言勸諭令惧死而心不動以

心虛宜
勸戒

八醫學綱目卷五

五

虛挾積
滯者
中去積

大補血氣之藥補養脾胃微加鎮墜心火之藥治其心補
陰瀉陽經自止矣痿論云悲哀太甚則胞絡絕胞絡絕則
陽氣內動發則心下崩數瘦血也故經曰大經空虛發則肌痺傳為脈痿此之謂也
丁未年冬郭大方來說其妻經水暴崩不止先曾殞身失
血自後一次經數日而來今次不止其人心窄性急多驚
以予料之他日必因心氣不足飲食失節得之大方曰容
到彼診得掌中寒脈沉細而緩間而沉數九竅微不利四
肢無力上喘氣短促口鼻氣皆不調果有心氣不足飲食
失節脾胃虛弱之證胃脘當心而痛左脇下急縮有積當
臍有動氣腹中鳴下氣大便難諸虛證極多不能盡錄擬
先治其本餘證可以皆去與安心定志鎮墜其驚調和脾
胃大益元氣補其血脈養其心神以大熱之劑去其久寒
凝在皮膚內少加生地黃去命門相火不令四肢痿弱黃

芫當歸人參湯

黃芪錢一

當歸半錢

人參錢一

陳皮五分

草薺七分

神麩半錢消食

黃連心錢鎮

杏仁九箇研

麻黃節表開汗

桂枝半錢必

無代天

生地三分去腎火大去

右為粗末水三大盞先煮麻黃數沸去查入前藥同煎

至一大盞於巳午之前食消盡服之其胃脘痛乃胃上

有客寒與大熱藥草薺九一十五丸其痛立止再與

肝之積藥除其積之根源而愈

右虛挾積滯而崩嘗治一老婦人血崩不止流流不絕

滿牀皆血起牀不得者三月矣腹滿如孕予作虛挾痰

積汚血治之用四物四兩參朮各一兩甘草半兩以治

虛香附三兩半夏兩半茯苓陳皮枳實縮砂玄胡各一

醫學綱目卷五

天

兩以破痰積汚血分二十貼每貼煎乾加荷葉側柏葉

湯再煎服之服盡良愈今再不發神效

雲栢黃散療經血不止

黃芩一兩二錢半

側栢葉

蒲黃各一兩

伏龍肝一兩

右咬咀用水二升煎取八合分為二服

又方治患崩中不止結作血片如雞肝色碎爛

芎藭十二分

阿膠

青竹茹各八分續斷

地榆

小薊根各三分當歸六分

生地

伏龍肝各十分

右用水九盞煮取三盞去查分作三服

治婦人血露蚕砂一兩炒伏龍肝半兩阿膠一兩同為

末温酒調空心二三錢以知為度大舍名無此散無阿膠

羅伏龍肝散治氣血勞傷衝任脈虛經云非時忽然崩下

虛挾濕
右狀能
肝燥之

或如豈汁或成血片或五色相雜或赤白相兼臍腹冷痛經久未止令人黃瘦口乾飲食減少四肢無力虛煩驚悸

伏龍肝兩一 甘草兩半 赤石脂兩一 芎藭兩三

肉桂兩半 熟地兩二 當歸 乾姜各七錢半

艾葉二兩微炒 麥門冬去心一兩半

右件為粗末每服四錢水一椀水同煎

右四方伏龍肝例蓋燥可去濕也前二方去濕熱後二

方去寒濕按伏龍肝為止血之聖藥先賢治崩用旋覆

花半夏葶治膈間濕痰而崩止者亦是此意

虎噬者蓋之 崩中下血不止小腹痛

芍藥一兩微炒 栝葉六兩微炒丹煨

右水一升煎取六合入酒五合煎取七合空心分為二

服一方為細末酒調二錢一方有鹿角膠等分酒調治

醫學綱目卷五 五 羌

白帶臍腹痛

世牡礪散治月水不止眾藥不愈者牡礪火煨研細用醋

調成丸再煨過通紅候冷研細出火毒却用醋調艾末熬

成膏和丸如桐子大每服五十九醋艾湯下

陰虛陽搏謂之崩陰陽別論

脈數有熱為熱

相火故血走而崩也 涼血地黃湯治婦人血崩是腎水陰虛不能鎮守包絡

生地兩半 黃連分三 黃柏分二 黃芩分一

羌活 柴胡 知母 升麻

川芎分二 防風分三 蔓本分二 甘草分一

紅花少許 歸身分五 細辛分一 荊芥穗

蔓荊子分一

右咬咀都作一服水三大盞煎至一盞去查稍熱服空

心足太陰脾之經中血海二穴在膝臚上內廉白肉際
二寸中治女子漏中惡血月事不調逆氣腹脹其脈緩
者是也灸三壯足少陰腎之經中陰谷二穴在膝內輔
骨後大筋下小筋上按之應手屈膝取之治膝如錐不
得屈伸舌縱涎流煩逆溺難少腹急引陰痛股內痛婦
人漏下不止腹脹滿不得息小便黃如蠱女子如妊身
可灸三壯

大小蓊湯治崩漏不止色明如水得溫則煩悶者此陽傷
於陰令人下血當補其陰脈數疾小者順大者逆

小蓊莖葉

研取汁

生地黃汁

一盞

白朮

半兩

右三件入水一盞煎至一半去查溫服

芎藭酒治崩中晝夜不止醫不能治

芎藭

兩

生地汁

一盞

醫學綱目卷五

手

右用酒五盞芎藭一盞去查下地黃汁再煎二三沸

分爲三服

治崩中去血不止

大小蓊根

兩五白朮根

兩三

右二味細切用酒五升煮取四升去查分四服

漏下乃熱兼虛四物加黃連

金華散治血室有熱崩下不止服溫藥不效者

延胡索

瞿麥穗

當歸

乾姜

牡丹皮

各一兩石膏

桂心

別研爲末

蒲黃

葶藶

七錢

右爲細末每服三錢水一盞半空心溫服日二

本治崩中下血黃芩不以多少爲細末每服一錢燒秤錘

通赤投酒中令沸却用其酒調服許學士云崩中多用土
血補血藥治之陽平於

陰前所謂天暑地熱經水沸溢是也全華散亦妙

經水多去不能住以三補丸加莎根龜板金毛狗脊者本連栢也補

孟官人母年五十餘血崩一載僉用澤蘭丸黑神散保安丸白薇散補之不效戴人見之曰天癸已盡本不當下血蓋血得熱而流散非寒也夫女子血崩多因大悲哭悲甚則肺葉布心系為之急血不禁而下崩內經曰陰虛陽搏謂之崩陰脈不足陽脈有餘數則內崩血乃下流舉世以虛損治之莫有知其非者可服大劑大劑者黃連解毒湯是也次以香附二兩炒白芍藥二兩焙當歸二兩焙三味同為細末水調下又服楨榔丸不旬日而安

脈弦無力臍下冷為寒

丁香膠艾湯治崩漏不止蓋心氣不足勞役及飲食不節所得經隔少時其脈兩尺俱弦緊而洪按之無力其證

醫字綱目卷三五

三五

自覺臍下如水求厚衣被以禦其寒白帶白滑之物雖多間下如屋漏水下時有鮮血不多右尺脈時微洪屋漏水多暴下者是急弦脈為寒多而洪脈時見乃熱少合而言之急弦者北方寒水多也洪脈時出者命門包絡之火也黑物多赤物少合成屋漏水之狀也

川芎四分

歸身一錢二分

生艾葉一錢

阿膠六分另四分

白芍三分

熟地三分以瀉大洗服

丁香四分

右為細末作一服水二盞煎至五沸去渣入膠艾再上火煎至一大盞空心宿食消盡帶熱服之三服效

大治血崩

熟艾如雞子大

阿膠半兩

乾姜一錢

右粗末用水五盞先煎艾葉姜至二盞半入膠消溫分

二服空心服

血見黑則止

又方治崩中不止丁香二兩為細末用酒三升煮取一升空心頓服必效方用丁香百顆酒煎服又方益智炒為細末鹽米飲調下

香礬散治血崩香附不以多少極酸醋浸一宿炒焦為灰存性每一兩入白礬末二錢米飲調服空心神妙一法用荷葉湯調尤妙

氣滯者行氣友止之

用香附子去毛炒焦黑存性為細末用極熱酒調下二錢放溫服不過兩服立愈昏迷甚者二錢七如血山崩不止者亦能解之米飲調亦可許學士云治下血不止或成五色崩漏香附子是婦人仙藥也

婦人血崩不止用檳榔燒灰存性碾末以溫酒調下甚妙

血汚者行血友

五靈脂散治婦人血山崩諸藥不止者五靈脂炒令烟

止之

盡為末每服一錢溫酒調下一法每服三錢水酒童便各半盞煎服名抽刀散

琥珀散治崩暴下血

赤芍

香附子

枯荷葉

男子髮皂莢水洗

當歸

櫻櫚炒焦性存性

烏紗巾是漆紗頭巾取陽氣先出故也

右等分除櫻櫚外其餘並用粗片新瓦上煨成黑灰存性三分為細末每服五錢空心童便調下如人行十里再一服七八服即止若產後血去多加米醋京墨麝香少許一法先以五積散加醋煎投一二服次服五靈

脂散

療經血不止

婦人經血正淋漓

舊蓮蓬燒作灰

熱酒一盃調八字

自然安樂更無疑

黃牛角鯁用尖燒為黑灰微存性治婦人血崩大便血
及冷痢白痢

治漏下不止者鹿角燒灰細研食前溫酒調下二錢

又方桃仁燒灰研細食前溫酒調下二錢 又方亂髮皂

角水洗淨燒為細末空心溫酒調下二錢

氣喘者
升氣灰
止之

治血久崩夏枯草燒存性為末空心米飲調下此用灰
與前用草不同

荊芥散治婦人崩中不止用好麻油點燈多看燈心就

上燒荊芥焦色為細末每服三錢童便調下

血熱者
涼血灰
止之

治婦人漏下血不絕槐花鵝不以多少燒作灰細研食
前溫酒調二錢七

治崩中不止不問年月遠近用槐耳燒作灰為末以

酒服方寸七

醫學綱目卷五

五

寒者
灰主之

神應散治血崩不止桂心不以多少炒極焦存性為末

每服一二錢米飲調下

如聖散治血山崩

棕櫚

烏梅各一兩

乾姜一兩五錢並燒過存性

右為細末每服二錢烏梅酒調下空心食前服久患不

過三服愈

治血崩屢効方

當歸

白芍

乾姜

棕櫚各等分

右各煨存性研為細末醋調以有節朱筋左攪四十九

轉食前服

洗者
灰止之

又方用棕櫚白礬煨為末酒調二錢服

治暴崩下血百草霜二錢狗膽汁一處拌定分作二服當

灰雜方

歸酒調下

又方京墨爲末二錢匕同燒露蜂房爲末三指撮酒調服
世治血崩用葫蘆去子穰實荆芥穗燒存性飲湯服

右二十一方皆燒灰黑藥經云北方黑色入通於腎皆
通腎經之藥也夫血者心之色也血見黑卽止者由腎

水能制心火故也

運氣運氣血崩皆屬風火經云少陽司天之政初之氣風勝乃
搖候乃大溫其病血崩是也

雜方
海治崩不定或淋淫經年者

白礬溶開成一兩沒藥錢一 硃砂分五 黃丹分五

右件將白礬溶開成汁下餘藥細末一處攪勻就成丸

子如彈子大每用一丸新綿裹定內陰中立效

漏經血過多不止并崩中心術 三陰交 行間灸之

通理足小指上二寸刺二分灸二十七壯

一醫學綱目卷五 漏

三漏下不止心術搖 三陰交 太衝

東胞門不閉漏下惡血不禁 氣門在關元傍三寸刺入五分

集血崩并漏下 中極補 子宮半寸 敗血不止 三

陰交 百勞 風門 中極 腎俞 膏盲 曲池 絕

骨

甲婦人不字陰暴出經水漏然谷主之 婦人漏血腹脹

滿不得息小便黃陰谷主之千金云漏血少腹痛脹 女

子血不通會陰主之 女子漏血太衝主之

診
問曰五崩何等類師曰白崩者形如涕赤崩者形如絳

黃崩者形如爛瓜青崩者形如藍色黑崩者形如衄血也

寸口脈弦而大弦則爲瀉大則爲芤減則爲寒芤則爲虛

寒虛相搏此名曰革婦人則半產漏下又見諸

寸口脈微而緩微者衛氣疎疎則其膚空緩者胃弱不

實則穀消而水化也穀入於胃脈道乃行水入於經其血乃成榮盛則其膚必踈三焦絕經名曰血崩

脈 診婦人漏血下赤白日下血數升脈急疾者死遲者生診婦人漏下赤白不止脈小虛滑者生大緊實數者死

赤白帶

大法

白帶 赤白帶羅先生法或十棗湯或神祐丸或玉燭散皆可用之虛者不可峻攻實者可行 血虛加減四物湯 氣

虛以朮參陳皮間與之 赤屬血白屬氣主治燥濕為先

濕甚者固腸丸

相火動者諸藥中加炒黃柏 滑者

加龍骨赤石脂

滯者加葵花

白者治白帶赤者治赤帶

性躁者加

黃連

寒月少加姜附臨機應變先須斷厚味

帶下多是濕痰

夏南星炒栢青黛蒼朮川芎

瘦人帶病少如有多是熱

醫學綱目卷五

三五

用炒栢蛤粉滑石川芎青黛檳皮 帶漏俱是胃中痰積

流下滲膀胱出於大腸小腸宜升提甚者上必用吐以提

其氣下用二陳湯加白朮蒼朮仍用丸子

治結痰白帶以小胃丹半饑半飽津液下數丸候鬱積行

卻服補藥

白朮

兩

蒼朮

兩

紅白葵花

二錢

白芍

七錢

右蒸餅為丸空心煎四物湯下廿丸

陶遵道外姑年七十形瘦善啖白帶食前姜湯吞大補丸

五十九一二次午膳後及臨臥時各與小胃丹十五丸愈

大乳香散治赤白帶下

草菓

一箇去皮入射香一小塊用麩餅裹火炮焦黃留性取出和麩用之

右為細末每服二錢陳皮飲調下重者三錢

帶下不止用椒目白芷 治白帶用椒目為末米飲調服

濕熱者宜煨燥

樗皮丸 治赤白帶有濕熱者

芍藥五錢

良姜三錢 燒灰

黃栢二錢各 炒成灰 椿根皮一兩半

右為末粥丸每服三五十九米飲空心吞下

赤白帶因濕熱勝而下者

蒼朮炒 鹽

白芍各一兩

枳殼三錢

椿根皮炒 二兩

乾姜煨 二兩

地榆半兩

甘草三錢

滑石一兩 炒

右末粥丸米飲下

治帶下

椿根皮二兩

神麩炒

麥皮麩炒

黃栢各一兩 炒

芍藥一兩 半

滑石半兩

枳殼半兩

蒼朮一兩

右為末糊丸桐子大每服五十九空心

不醫學綱目卷五

美

固腸丸治濕氣下利大便血白帶去脾胃陳積之後用此以燥下濕亦不曾單用看病作湯使椿根皮為末粥糊為丸此藥性涼而燥須炒用一方加滑石一半

治白帶因七情所傷脈數者

黃連炒

側栢酒 蒸

黃栢炒 各半兩

香附醋 炒

白朮炒 各一兩

白芷燒存性 三錢

椿根皮二兩 炒

白芍一兩

木香三錢

右為末飯粥為丸米飲湯送下

右五方治帶椿皮側涼燥之劑濕熱盛者宜之後一方

有黃蓮香附木香故可治七情所傷

大地榆膏 治赤白帶下骨立者地榆一斤用水三升煎至

一半去渣再煎如稠錫絞淨空心服三合日二服 治漏

下五色地榆三兩剉用醋一升煮十餘沸去渣稍熱食前

滑脫者宜澁

服一合

治婦人赤白帶下三葉酸漿草陰乾為末空心温酒下三錢七

真陰虛者補陰

右三方治帶地榆例寒溢之劑亦濕熱盛而滑脫者宜之按三葉酸漿草葉細如蒞叢生莖端有三葉俗又名布谷飯布谷者鳩也蓋鳩常食之故又名鳩漿草衍義誤入苦蕒條即曰三葉酸漿草豈苦蕒即酸漿歟苦蕒大如金柑味酸可食故亦名酸漿非三葉也三葉酸漿小草布地而生葉皆三瓣惟開黃花其莖葉皆酸者白帶 龜板炙 枳子各二 黃栢一兩

白芍七錢半 乾姜炒二錢半 香附兩半 山茱萸 苦參 檉皮 貝母各半兩

右為末以酒糊為丸空心下赤白帶

醫學綱目卷五

七

龜板酒炙兩 黃栢炒一兩 乾姜炒一錢 枳子二錢半

右酒糊為丸日二服每服七十九

又方治帶下脈數者

枸杞根一斤 生地五斤

右二味以水一斗煮取五升分三服

右三方治帶龜板黃栢地黃例腎水真陰虛者宜之

少腹熱痛者為熱痕

脾傳之腎病名曰疝瘕少腹寬熱而痛出白一名曰蠱當此之時可按可藥全文見診生死○王註云出白澀出白液也蓋便濁白帶之類戴人云遺溺閉

陰痿痠痺精滑白淫皆男子之疝也血涸不日月罷腰膝上熱足蹇隘乾壅閉少腹有塊或定或移前陰突出後陰痔核皆女子之疝也又云女子不謂之疝而謂之瘕也

小腸移熱於大腸為伏瘕為沉全文見診病傳變

保赤者熱入小腸白者熱入大腸原其本皆濕熱結于脈故津液涌溢是為赤白帶下本不病結緣五經脈虛結熱

屈帶于帶故女子臍下痛陰中綿綿而下也經曰任脈為病男子內結七疝女子帶下瘕聚王註云任脈自胞上過脇章門似束帶狀今濕熱冤結不散故為病也經曰脾傳之腎名曰疝瘕小腸冤結而痛出白一名曰蠱所以為帶下冤結也冤屈也屈滯而病熱不散先以十棗湯下之後服苦練丸大延胡散調下之熱去濕除病自愈矣東湯見傷寒

苦練丸治婦人赤白帶

苦練碎酒 茴香炒 當歸

右等分為末酒糊為丸每服三五十丸空心温酒下如腰腿疼四物湯四兩加羌活防風各一兩煎湯送下

治赤白帶下腰痛或少腹痛有熱者

醫學綱目卷五

天

檉皮兩 延胡索 桃仁 側柏葉

川練肉 茴香 當歸各半 香附錢

官桂 烏藥各三錢 麥皮麩一兩

右末酒糊為丸每服五六十丸神效

少腹冷痛脹微為寒濕

治帶下并腸有敗膿淋露不已腥穢殊甚遂至臍腹更增冷痛此蓋敗膿血所致本無已期須以此排膿白芷一兩單葉紅蜀葵根二兩白芍藥白礬各半兩礬燒枯另研餘為末同以蠟丸如桐子大空肚及飯前米飲下十九或十五丸候膿盡仍別以補藥佐之

固真丸治白帶不止臍下冷痛喜乾食惡湯飲者方見寒山

本治婦人赤白帶下

龍骨半 舶上硫黃三錢

右爲末每服半錢無灰酒調空心服一日三服不問遠年近日盡效

伏龍肝散治婦人赤白帶下久不瘥肌瘦瘵黃

棕櫚燒存性 伏龍肝 屋梁上塵懸長者炒烟盡出火毒

右等分研和入龍腦麝香各少許每服二錢酒調醋亦

可患十年者半年可安有人經年崩漏不止諸藥不效

脈濡微與此伏龍肝散兼白礬丸服之愈白礬丸用白礬四兩附子

二兩黃狗頭骨灰四兩爲末 粥丸桐子大每服三十九

補經固真湯白文舉正室白帶常漏久矣諸藥不效診

得心包尺脈極微其白帶下流不止叔和脈經云崩中日

久爲白帶漏下多時骨水枯言崩中者始病血崩久則血

少復亡其陽故白滑之物下流不止是本經血海將枯津

液復亡枯乾不能滋養筋骨以本部行經爲引用爲使以

醫學綱目卷三五

五

大辛甘油膩之藥潤其枯燥而益津液以大辛熱之氣味

補其陽道生其血脈以苦寒之藥泄其肺而救上熱傷氣

以人參補之以微苦溫之藥爲佐而益元氣名曰補經固

真湯

柴胡 甘草各一錢 乾姜細末二錢 橘皮不去白一錢

人參二錢 郁李仁一錢去皮尖 白葵花七朶去萼

生黃芩一錢細切另入

右件除黃芩外以水二大盞煎至一盞七分再入黃芩

同煎至一盞去查空心無宿食熱服之候少時早饑壓

之

調經補真湯冬後一月微有地泥水泮其白帶再來陰戶

中寒一服立止大進飲食

麻黃半錢不去節 杏仁三箇 桂枝少 甘草炙五分

良姜錢一

黃芪分七

人參

歸身

白朮分各五

蒼朮分二

澤瀉錢一

羌活分四

防風錢二

柴胡分四

獨活

藁本分各二

升麻根

黃芩分各五

乾姜分二

白葵花分七
去毒

右除黃芩麻黃外都為粗末先將二味水二盞煎麻黃一味令沸掠去沫入餘藥同煎至二盞又再入生黃芩煎至一盞去查稍熱服空心宿食消盡日高服之一時許可食早饑

寒帶
方

本治婦人月經不調每行數日不止兼有白帶漸漸瘦瘵飲食少味累年無子地黃丸

熟地兩一

山茱萸

白蕪荑

乾姜

白芍微炒

代赭石醋碎各一兩

厚朴

白姜蚕炒

醫學綱目卷五

甲

右細末煉蜜丸如桐子大每服四五丸空心酒下日三服此龐老方婦人有白帶是第一等病令人不產育宜急治之此扁鵲過邯鄲聞貴婦人所以專為帶下醫也

回桂附湯治白帶腥臭多悲不樂大寒

肉桂錢一

附子錢三

黃柏

知母各五分

如少食常飽有時似腹脹加白芍藥半錢如不思飲食加五味子二十箇如煩惱面上麻木如虫行乃胃中元氣極虛加黃芪一錢人參七分炙甘草二分升麻半錢為粗末作一服水二盞煎至一盞法如常食遠熱服

海香附六合湯治赤白帶下方見婦人大法條即四物加尚香桂也

大治赤白帶下年月深久不瘥

白芍兩二

乾姜兩半

右各炒黃色同為末空心米飲調下二錢日二服
坐藥龍鹽膏

丁香半錢 全錫五錢 木香一錢半 良姜一錢

川烏頭一錢半 炮 枯礬半錢 龍骨 茴香

歸稍各二錢 玄胡五錢 炒黃鹽二錢 厚朴三錢

酒防已 紅荳 肉桂各二錢 木通一錢

右為末煉蜜丸如彈子大綿裹留絲在外納陰戶內

又方勝陰丹為上藥力小再取三錢內加行性熟藥

三奈子 川烏 大椒各五分 柴胡

羌活各二錢 全錫三錢 大蒜 破故紙與蒜同焙

錢各一 升麻二分 麝香許少 甘松三分

白礬二分 右為細末同前法用制

不醫學綱目卷五 聖

又方回陽丹

全錫 升麻各二分 草烏頭三分 水蛭三箇

重垂翅足炒 川烏七分 大椒五分 柴胡七分

大蒜 破故紙各二錢 三奈子 葶撥各五分

甘松二分 羌活三分 枯礬五分 炒黃鹽一錢

之藥去之不效 右為極細末依前制如指尖大用綿裹納陰戶中覺臍

下暖為效

虛寒症 酒煑當歸丸治癩疔白帶下疝脚氣腰已下如在冰雪中

以火焙炕重厚綿衣蓋上猶冷不任寒之極也面白如枯

魚之象肌如刀削消瘦之速也小便不止與白帶長流而

不禁固自不知覺面白目青藍如菜色目眈眈無所見身

重如山行步歌側不能安地腿膝枯細大便秘結口不能

言無力之極食不下心下痞煩心懊懣不任其苦面停垢背惡寒小便遺而不知此上中下三陽真氣俱竭故噦嘔不止胃寒之極也其脈沉厥緊而澁按之空虚若脈洪大而澁按之無力猶為中寒之證况按之虚空者乎按之不鼓是為陰寒之極也其空虚乃氣血俱虛之極也

當歸兩一

茴香兩半

黑附子七錢炮制去皮臍

良姜錢七

右四味剉如麻菀大以好酒一升半同煎煮至酒盡為

度炭火焙乾同為極細末入

炒黃鹽

丁香各半兩

全蝎錢三

柴胡錢二

升麻根

木香各一錢

苦練子

甘草錢各半炙

玄胡索錢四

右與前四味藥末同為細末酒煮麪糊為丸如桐子大

不醫學綱目卷五

聖

每服二十九空心宿食消盡淡醋湯下忌油膩冷物酒

麪

當歸附子湯治臍下冷痛赤白帶下

柴胡分七

良姜

乾姜

附子各一錢

升麻分五

甘草分六

當歸錢二

蜀椒分五

炒黃鹽分三

黃栢許少

右件為粗末用五錢水二盞煎至一盞去渣熱服為丸

亦得

右炒鹽例東垣回陽丹註云必用炒黃鹽無則不效蓋

寒疝之要藥也

固真丸治白帶久下不止臍腹冷痛其寒捫之如冰陰中

亦然目中溜火上壅視物眈眈無所見齒皆惡熱飲痛須

得黃連末擦之其痛乃止惟喜乾食大惡湯飲此病皆寒

以固

濕乘其胞內故喜乾而惡濕肝經陰火上溢走於標故上壅而目中溜火腎水侵肝而上溢故目中眈眈無所見齒惡熱飲者是少陽陽明經中伏火也當大瀉寒濕以丸藥治之故曰寒在下焦治主宜緩大忌湯散以酒制白石脂白龍骨以枯其濕以炮乾姜大辛熱瀉寒水以黃栢之大寒爲因用又爲鄉導治法云古者雖有重罪不絕人之後又爲之伏其所主先其所因之意又瀉齒中惡熱飲也以柴胡爲本經之使以芍藥半錢以導之又恐辛熱之藥太甚損其肝經故微瀉之以當歸身之辛溫大和其血脈此用藥之法備矣

白赤脂一錢燒赤水飛研細晒乾 乾姜炮四錢 黃栢酒洗五分

柴胡一錢 白龍骨二錢酒飛 白芍五分

當歸三錢酒洗

醫學綱目卷三

聖

右爲細末水煮稀糊爲丸如雞頭大每服三十丸空心宿食消盡煎白沸湯放溫送下無令胃中停住待少時以早饑壓之是不令熱藥犯胃忌生冷硬物與酒濕麪右石脂龍骨之澁以去脫蓋濕多滑脫者宜之

滑以酒燥

補真潤腸湯治白帶下陰戶中痛控心而急痛身黃皮緩身重如山陰中如水一名助陽湯

防風一錢 柴胡二分 良姜二分 乾姜一錢

陳皮五分 白葵花七朵 生黃芩五分 郁李仁

甘草各一錢

右爲細末剉散只作一服水二盞煎至一盞去查熱服

食前

右葵花郁李仁之滑以潤燥蓋枯涸滯着者宜之

摩腰丹治白帶腹痛方見腰痛門甚效

虛而有積者先攻後補

治帶下少腹窈結而痛者先以十棗湯下之次服苦練丸大玄胡散調之是先攻後補之法也

治結痰白帶先於半飢時以津下小胃丹十餘粒服至鬱積行却用白朮四物等藥補之亦先攻後補之藥也

脈微食少為虛宜補

胡安人白帶下月經甚多食少倦怠面黃經中如有血塊者有如筋膜者與參朮等補血氣調脾胃後諸症皆退惟帶未止以檇皮丸主之方兄濕熱條

右法治帶下虛而有熱者若虛而有寒脈微面白不澤無力以言者東垣補經固真湯丁香膠艾湯香桂六合湯是也

脈滑大有方為實宜攻

頃頓丘一婦人病帶下連綿不絕白物或來已三載矣命予脈之診其兩手脈俱滑大而有方得六七至常上熱口乾眩暈時嘔酢水余知其實有寒痰在胸中以瓜蒂

醫學綱目卷五

語

散吐出冷痰二三升皆酢水也間如黃涎狀如爛膠次以漿粥養其胃氣又次用導水禹攻以瀉其下然後以淡劑滲泄之藥利其水道不數日而愈 息城李左衛之妻病白帶如水窈漏中綿綿不絕穢臭之氣不可近面黃食減已三年矣諸醫皆云積冷陽起石硫黃姜附之藥重重燥補污水轉多戴人斷之曰此帶濁水本熱乘太陽經其寒水不禁固故如此也夫水自高而趨下宜先絕其上源乃涌痰三二升次曰下沃水斗餘行三遍汗出周身至明旦病人云汚已不下矣次用寒涼之劑服及半載產一男問曰婦人年五十所病下利數十日不止暮即發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之

下利夜熱腹滿為汚血

吳茱萸兩三 當歸 芎藭 芍藥

人參 桂枝 阿膠 牡丹去心

生姜 甘草各二兩 半夏升 麥門冬升

右十二味以水一斗煮取三升分溫三服 亦主婦人少腹寒久不受胎兼取崩中去血或月水來過多及至

期不來

丹赤白帶用五靈脂半生半熟為末酒調服

大治白帶下

茅花一握炒 棕櫚灰三 嫩蓮葉三 甘草節一錢

右為細末空心酒方寸匕

益母散治帶下赤白惡露下不止益母草開花時採搗為

細末空心溫酒二錢日三服 香礬散神效方見崩中血見黑止條○

即醋炒香附灰也

醫學綱目卷五

聖

雜方

調赤白帶皆屬於血有出於大小腸之分黃荊子炒焦為末米飲調服

又方治白帶用白芷以石灰炒去皮茵草少許粥糊丸服

大白芷散治赤白帶下

白芷兩一 海螵蛸二箇燒 胎髮一團

右為細末空心溫酒調下二錢

山治赤白帶下舊蓮房為末入麝香空心米飲下

大治帶下用芍藥炒黑為末每服三錢七調酒下

丹赤白帶用生狗頭骨燒灰存性酒調服或入藥服

十治帶下溫水和服雲母末三方寸匕立見神效

鉉灸 崔氏四花穴治赤白帶如神取穴法見勞瘵門

玉赤白帶 中極二十半赤瀉白補 白環俞一十半瀉六吸補一吸

撮法 中極 白環俞各五壯 腎俞二十半灸隨年壯

集 又法 氣海 中極 白環俞不效取後穴 三陽交補少瀉多

灸七壯 三陰交

東 又法 榮池三分灸三十壯在內踝前後兩邊池中脈一名陰陽穴 又法 三陰交灸五分 交儀二十 陰

陽在足拇指下屈裏表頭白肉際是也 又法 三陰交灸五分 交儀二十 陰

漏陰在內踝下五分微有動脈是穴刺入一分灸三十壯

案 赤帶漸漸如蠶亦用此法 氣海分六 中極 委中各五分

分 白帶漸漸如蠶亦用此法 曲骨 承陰各七分 中

極在兩傍注骨下六分

〇 婦人得子多變成白水淋漓而下經久身面虛腫

陰谷二寸半 絕骨二寸半 如喘滿 魚際透大淵左右共四十九

呼治肺經水氣極妙

海 帶病太陰主之灸章門穴麥粒大各三壯効

甲 婦人下赤白沃後陰中乾痛惡合陰陽少腹臍堅小便

醫學綱目卷五

哭

閉曲骨主之 女子赤白帶腰膻主之 女子赤淫大赫

主之 女子絕子陰挺出不禁白瀝上竅主之 女子赤

白瀝心下積脹次竅主之 女子赤淫時白氣瘡月事少

中竅主之 女子下蒼汁不禁赤瀝陰中痒痛引少腹控

眇不可俛仰下竅主之 女子赤少腹腫赤白淫時多時

少蠱溝主之 月事不利見赤白而有身及前陰寒行間

主之 女子疝及少腹腫溇泄癰遺溺陰痛面塵黑目下

背痛太衝主之 女子俠臍疝中封主之 女子疝痲按

之如以湯沃兩股中小腹腫陰挺出痛經水來下陰中腫

或養漉清汁若葵羹血閉曲泉主之 婦人下赤白裏急

癰瘕五樞主之 腎脈小急肝脈小急心脈小急不鼓皆為瘕大奇論〇王註云小

診 急為寒甚不鼓則血不流血不流而巽薄故血內凝而為瘕也

三陽急為痲三陰急為疝王註云太陽受寒血聚為痲太陰受寒氣聚為疝脈急者曰疝痲少腹痛平人象論

脈師曰婦人帶下六極之病脈浮則為腸鳴腹滿緊則為腹中痛數則為陰中癢痛則生瘡茲則陰疼掣痛 婦人帶下脈浮惡寒者不治

胎前白帶

濕熱 有孕白帶

蒼木三錢

白芷二錢

黃連炒一錢半

黃芩炒二錢

黃栢炒一錢半

白芍二錢半

樗根皮炒一錢半

山茱萸二錢半

右為末糊丸空心温酒下五十九

醫學綱目卷三

單

胎前白帶

無不類皆惡寒者不治

胎中惡寒者限食中惡寒限生食惡寒限食惡寒限食

胎前白帶入帶下六淋之脈脈弱則胎動胎動則胎

落曰胎動也 胎前白帶

三期為胎三期為胎三期為胎 王指云三期受寒血凝胎

杭州圖書館